



ა(ა)იპ "საქართველოს საპატრიარქოს  
წმიდა ანდრია პირველწოდებულის სახელობის ქართული უნივერსიტეტი"

საქართველო, ქ. თბილისი 0179, ილ. ჭავჭავაძის გამზ. 53ა, ტელ./ფაქსი 225-82-43, ს/კ 205233022, www.sangu.edu.ge

№ \_\_\_\_\_

12 02 2018 წ.

ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის დამფუძნებლის სრულუფლებიანი წარმომადგენლის ბრძანება № 9

ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის სახელობითი სტიპენდიის მინიჭებისა და გაცემის წესის დამტკიცების შესახებ

ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წესდების მე-5 მუხლის მე-2 პუნქტის „ე“ ქვეპუნქტის საფუძველზე

ვბრძანებ:

1. დამტკიცდეს ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის სახელობითი სტიპენდიის მინიჭებისა და გაცემის წესი დანართის შესაბამისად.
2. ძალადაკარგულად გამოცხადდეს აკადემიური საბჭოს 2012 წლის 30 იანვრის N16 სხდომის ოქმით დამტკიცებული „საუნივერსიტეტო სახელობითი სტიპენდიის დაწესების, მინიჭებისა და გაცემის წესი“.
3. ბრძანების გაცნობა დაინტერესებული პირებისთვის დაევალოს საქმისწარმოებისა და ადამიანური რესურსების მართვის სამსახურს.
4. ბრძანება ძალაშია ხელმოწერისთანავე.

უნივერსიტეტის დამფუძნებლის  
სრულუფლებიანი წარმომადგენელი

სრულიად საქართველოს კათოლიკოს-პატრიარქის  
ქორეპისკოპოსი იაკობი (იაკობიშვილი) + მეუფე



ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის სახელობითი სტიპენდიის მინიჭებისა და გაცემის წესი

### **მუხლი 1. ზოგადი დებულებები**

1. ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის (შემდგომში - უნივერსიტეტი) სახელობითი სტიპენდიის მინიჭებისა და გაცემის წესი (შემდგომში - წესი) არეგულირებს სტიპენდიის ოდენობას, სტიპენდიის მინიჭებასთან, შეჩერებასთან, აღდგენასთან, შეწყვეტასთან და სტიპენდიის გაცემასთან დაკავშირებულ სხვა ორგანიზაციულ საკითხებს.

2. წინამდებარე წესის შემუშავების მიზანია წარმატებული და მაღალი აკადემიური მოსწრების მქონე სტუდენტების წახალისება და ფინანსური მხარდაჭერა, რაც ხელს შეუწყობს მათ პროფესიულ განვითარებას.

### **მუხლი 2. სტიპენდიის ოდენობა და მინიჭების წესი**

1. სტიპენდიის მინიჭება ხდება ყოველი სასწავლო სემესტრის დაწყებისას უნივერსიტეტის ბაკალავრიატის იმ სტუდენტებისთვის, რომლებიც აკმაყოფილებენ წინამდებარე წესით გათვალისწინებულ მოთხოვნებს.

2. სტიპენდიის ოდენობა შეადგენს 125 ლარს საქართველოს კანონმდებლობით დადგენილი გადასახადების გათვალისწინებით.

3. სტიპენდიის გაცემის/შეჩერების/აღდგენის/შეწყვეტის შესახებ გადაწყვეტილებას იღებს უნივერსიტეტის რექტორი შესაბამისი სკოლის საბჭოს წარდგინების საფუძველზე.

### **მუხლი 3. სტიპენდიის სახეები და მინიჭების საფუძველები**

1. უნივერსიტეტში სკოლების მიხედვით არსებობს შემდეგი სახელობითი სტიპენდიები:

ა) ჰუმანიტარულ მეცნიერებათა და სამართლის სკოლა:

ა.ა) სრულიად საქართველოს კათოლიკოს-პატრიარქის უწმინდესისა და უნეტარესის ილია-II-ის სახელობის საუნივერსიტეტოს სტიპენდია;

ა.ბ) წმიდა ანდრია პირველწოდებულის სახელობის საუნივერსიტეტო სტიპენდია;

ა.გ) აკადემიკოს ივანე ჯავახიშვილის სახელობის საუნივერსიტეტო სტიპენდია;

ა.დ) აკაკი შანიძის სახელობის საუნივერსიტეტო სტიპენდია;

ბ) ბიზნესის, კომპიუტინგისა და სოციალურ მეცნიერებათა სკოლა:

ბ.ა) სრულიად საქართველოს კათოლიკოს-პატრიარქის უწმინდესისა და უნეტარესის ილია-II-ის სახელობის საუნივერსიტეტოს სტიპენდია;

ბ.ბ) წმიდა ანდრია პირველწოდებულის სახელობის საუნივერსიტეტო სტიპენდია;

ბ.გ) აკადემიკოს ილია ვეკუას სახელობის საუნივერსიტეტო სტიპენდია;

ბ.დ) აკადემიკოს პეტრე მელიქიშვილის სახელობის საუნივერსიტეტო სტიპენდია;

ბ.ე) ფილიპე გოგიჩაიშვილის სახელობის საუნივერსიტეტო სტიპენდია;

ბ.ვ) წმიდა დიმიტრი ყიფიანის სახელობის საუნივერსიტეტო სტიპენდია;

ბ.ზ) აკადემიკოს შოთა ნადირაშვილის სახელობის საუნივერსიტეტო სტიპენდია;

ბ.თ) დიმიტრი უზნაძის სახელობის საუნივერსიტეტო სტიპენდია.

2. სტუდენტი სტიპენდიას მოიპოვებს შემდეგი მოთხოვნების დაკმაყოფილების შემთხვევაში:

ა) სტუდენტს წინა სასწავლო სემესტრში გავლილ თითოეულ საგანში მიღებული უნდა ჰქონდეს შეფასების ქულა არანაკლებ 81-ისა;

ბ) სტუდენტის შეფასების ქულათა საშუალო ჯამი ყველა საგანში უნდა იყოს არანაკლებ 91-ისა და უნდა იყოს უფრო მაღალი იმავე სკოლის სხვა სტუდენტებთან შედარებით.

3. ერთი და იგივე შეფასების ქულათა საშუალო ჯამის მქონე სტუდენტთა შორის უპირატესობა ენიჭება იმ სტუდენტს, რომელიც უნივერსიტეტის სახელით უფრო მეტი საზოგადოებრივი აქტიურობით გამოირჩეოდა.

4. სტუდენტი უფლებამოსილია ისარგებლოს მხოლოდ ერთი სტიპენდიით. თუ სტუდენტმა მოიპოვა ორი სტიპენდია იგი მიიღებს იმ სტიპენდიას, რომლისთვისაც უფრო მეტი თანხაა გათვალისწინებული.

5. სკოლის საბჭო უფლებამოსილია განიხილოს ნებისმიერი პირის ინიციატივა ახალი სახელობითი სტიპენდიის დაწესებისა და დაფინანსების შესახებ. სტიპენდიის მინიჭების კრიტერიუმებს სკოლის საბჭოსთან შეთანხმებით ადგენს სტიპენდიის მინიჭებაზე უფლებამოსილი პირი. სტუდენტს სტიპენდია ენიჭება რექტორის ბრძანებით.

#### **მუხლი 4. სტიპენდიის გაცემა**

1. სტიპენდია გაიცემა მთელი მომდევნო სემესტრის განმავლობაში და არდადეგების პერიოდშიც მომავალი სემესტრის დაწყებამდე 6 თვის განმავლობაში, კერძოდ, გაზაფხულის სემესტრში მარტიდან-სექტემბრამდე, ხოლო შემოდგომის სემესტრში სექტემბრიდან-მარტამდე.

2. სტიპენდიის გაცემასთან დაკავშირებით გამოიცემა უნივერსიტეტის რექტორის ბრძანება.

3. სტიპენდია გაიცემა ყოველთვიურად, სტიპენდიის პერიოდში სტიპენდიანტის საბანკო ანგარიშზე თანხის ჩარიცხვის გზით, გარდა იმ შემთხვევისა, თუ რექტორის ბრძანებით არ შეჩერდა/შეწყდა სტიპენდია.

## **მუხლი 5. სტიპენდიის შეჩერება და შეწყვეტა**

1. სტიპენდიანტისთვის სტუდენტის სტატუსის შეჩერების შემთხვევაში მასზე ავტომატურად ჩერდება სტიპენდიის გაცემა, რომელიც აღდგება იმავე სემესტრში სტუდენტის სტატუსის აღდგენის შემთხვევაში სტატუსის შეჩერების დღისთვის სტიპენდიის დარჩენილი ვადით.

2. უნივერსიტეტის ფინანსური მდგომარეობის გაუარესების ან ფორსმაჟორული გარემოებების შემთხვევაში უნივერსიტეტის რექტორი უფლებამოსილია შეაჩეროს სტიპენდიის გაცემა, რის შესახებაც წინასწარ წერილობით აცხობინებს სტუდენტს. სტიპენდიის გაცემა აღდგება შესაბამისი გარემოებების აღმოფხვრისთანავე.

3. სტიპენდიის შეწყვეტის საფუძვლებია:

ა) სტუდენტის სტატუსის შეწყვეტა;

ბ) ლექცია/სემინარების სისტემატური გაცდენა, სასწავლო პროცესში მონაწილეობის მიუღებლობა;

გ) უნივერსიტეტის შინაგანაწესის და ეთიკის კოდექსის დარღვევა;

დ) პირადი განცხადება;

ე) უნივერსიტეტის რეპუტაციის შელახვა.

4. სტიპენდიის შეწყვეტის შესახებ სკოლის საბჭო შესაბამისი წარდგინებით მიმართავს უნივერსიტეტის რექტორს. სტიპენდიის გაცემა შეწყდება რექტორის ბრძანების გამოცემის მომდევნო თვიდან.

## **მუხლი 6. გარდამავალი დებულებები**

2018 წელს უნივერსიტეტში განხორციელებული რეორგანიზაციის გათვალისწინებით, რასაც თან ახლდა სამი სკოლის გაერთიანება 2017-2018 სასწავლო წლის გაზაფხულის სემესტრში ბიზნესის, კომპიუტინგისა და სოციალურ მეცნიერებათა სკოლის სტუდენტებისთვის ამ წესის მე-3 მუხლის პირველი პუნქტის „ბ“ ქვეპუნქტში მითითებული სახელობითი სტიპენდიების ფარგლებში გამოიყოს 12 ადგილი. ადგილები გადანაწილდეს შემდეგნაირად: ეკონომიკისა და ბიზნესის მართვის გაუქმებული სკოლის სტუდენტებისთვის გამოიყოს - 4 ადგილი, სოციალურ მეცნიერებათა გაუქმებული სკოლის სტუდენტებისთვის გამოიყოს - 4 ადგილი, ინფორმატიკის, მათემატიკისა და საბუნებისმეტყველო მეცნიერებათა გაუქმებული სკოლის სტუდენტებისთვის გამოიყოს - 4 ადგილი. სტიპენდიის გაცემა განხორციელდება ამ წესით გათვალისწინებული მოთხოვნებისა და პროცედურების დაცვით.